




1626_070.jpg



1626_071.jpg



1626_072.jpg



1626_073.jpg

Le Mercure François.

73

gneurs leurs voisins, leur faisoient plusieurs
 faicheries: & prièrent & supplierent sa Maje-
 sté, qu'il les voulust prendre en sa protection
 & sauuegarde, & estre leur Conseruateur &
 Garde: ce que le Roy leur promist & accorda.

Encores ce mesme VVasbourg dit, qu'en
 l'an 1403. Iean de Sarapont alias Sarrebruche
 fut pourueu de l'Euesché de Verdun par le
 Pape, en faueur du Duc d'Orleans, à la re-
 commandation duquel le Chapitre auoit aussi
 esleu & nommé ledit Iean de Sarrebruche, &
 qu'apres la mort dudit Duc d'Orleans les Lo-
 rains & Allemands coururent les terres dudit
 Euesque de Verdun.


Aussi escrit ledit VVasbourg, que pendant
 que Guillaume de S. Thierry estoit Euesque
 de Verdun l'an 1438. Charles VII. Roy de
 France fit publier la Pragmatique sanction
 resultante, extraicte & composee des saincts
 Canons des Conciles de Constance & de Basle,
 & commanda qu'elle fust gardee & obseruee
 par tout sondit Royaume & Dauphiné inuiol-
 ablement, pour le bien, profit & honneur
 de nostre Religion Chrestienne. Et puis dit
 ledit de VVasbourg: Nous lisons aux anciens
 Registres de nostre Eglise de Verdun, que
 ceux du Chapitre de Verdun en plaine Con-
 gregation faicte le 7. Iuin 1441. receurent la-
 dite Pragmatique-sanction, suiuant l'Ordon-
 nance du Roy de France: à quoy adhererent
 ceux du Chapitre de la Magdelaine, comme
 appert par la conclusion dudit Chapitre.

Roy de France
 contre les Ducs
 de Lorraine.

Sarrebruche,
 pourueu de
 l'Euesché de
 Verdun en
 faueur du
 Duc d'Or-
 leans.

Ceux de Ver-
 dun recoinnēt
 la Pragmati-
 que-sanction
 de Charles 7.

1626_074.jpg




74
Guillaume
de S. Thierry
Euesque de
Verdun sous
la protection
du Roy de
France.

M. DC. XXVI.
Ce Guillaume de S. Thierry qui fut Euesque
de Verdun par permutation de l'Euesché de
Toul qu'il bailla à Louys de Haraucourt apres
auoir tenu quelque réps celuy-cy de Verdun,
reprit celuy de Toul, & Louys de Haraucourt
retourna à Verdū, duquel Euesché il auoit esté
pourueu apres la mort de Louys Cardinal Duc
de Bar, decedé l'an 1430. lequel comme fils d'une
fille du Roy Iean, qui espousa Robert pre-
mier Duc de Bar, fut toute sa vie partisan Fran-
çois, comme proche parent des Roys, freres,
& neueux de sa mere; & aussi eut-il tousiours
grand appuy & support de la France: les Prin-
ces de laquelle Maison il affecta entelle sorte,
que desirant & voulant effayer tout d'un seul
coup leur rendre hereditaire les Duchez de
Lorraine & de Bar, il adopta pour son heritier
audit Duché de Bar René d'Anjou, second fils
de Louys d'Anjou & d'Yolande d'Arragon sa
niepce, par Yolande de Bar sa sœur, qui auoit
espousé le Roy d'Arragon, & ce moyennant
le mariage que quant & quant il fit conclure
& effectuer dudit René d'Anjou son petit ne-
ueu, avec Isabeau de Lorraine heritiere de la
Duché de Lorraine fille de Charles Duc de Lo-
raine qui n'auoit point d'enfans masles, l'ayant
ainsi conuenu & terminé.


René d'An-
jou & Isa-
beau de Lo-
raine mariez
furent Ducs
de Bar & de
Lorraine.

Tellement qu'il aduint que depuis l'an 1430.
que ledit René d'Anjou & Isabeau de Lorraine
ne furent absolument Duc & Duchesse de Lo-
raine & de Bar, par la mort arriuee en ceste
mesme annee de Charles Duc de Lorraine pere

1626_075.jpg



1626_076.jpg



76 M. DC. XXVI.


Verdun : Mais ce Guillaume Euesque de Verdun ayant esté soubçonné d'auoir poussé ce ieune Prince Iean d'Anjou, Duc de Calabre, puis de Lorraine, dans les factions de la guerre du bien public, & partialitez du Comte de Charollois & Maison de Bourgongne, contre le Roy Louys XI. Ce Roy ayant trouué moyen de faire saisir la personne de ce Guillaume de Haraucourt Euesque de Verdun, le fit mettre en garde seurement dans le chasteau de la Bastille à Paris l'espace de bon nombre d'annees ; d'où finablement forty & retiré à son Euesché de Verdun, il y mourut au mois de Feurier 1500.

Guillaume de Haraucourt Euesque de Verdun, est mis à la Bastille sous Louys II.


Ce Guillaume de Haraucourt auoit esté forcé pour le soubçon qu'on auoit de luy de resigner sondit Euesché de Verdun à vn nommé Maistre Iean Nicolini Italien de nation, lequel en suite de ceste resignation, & des Bulles sur icelles à luy expediees, auoit pris possession dudit Euesché le 16. Mars 1482. mais il y fut troublé par ledit Guillaume de Haraucourt, quand il fut forty de la Bastille. Toutefois apres la mort dudit Guillaume de Haraucourt le 22. Feurier audit an 1500. Varry de Dompmartin fut receu Euesque de Verdun par Lettres Apostoliques, & en vertu du regret que le susdit Iean de Nicolini Euesque de Vintemille auoit sur ledit Euesché de Verdun : & à ceste possession de l'Euesché de Verdun fut es-paulé & soustenu ledit Varry de Dompmartin par René de Lorraine, fils d'Yolande d'Anjou

Varry de Dompmartin Euesque de Verdun.

1626_077.jpg



1626_078.jpg



1626_079.jpg




Image issue du site mercurefrancois.ehess.fr - Cliché (c) Cécile Soudan